



Tuhaqtauyukhaq

Aliahuiqtut EU-kut nattikkut ihumaliurutaanik

Iqaluit, Nunavut (May 5, 2009) – Avatiliqiyitkut Minista Daniel Shewchuk uqaqtuq aliahuiqhuni uuminnga European Union-kut ihumaliurutaanik pilailaqhuutimik pinahuaqtunik nattirnut.

“Nattit amigaittut piqtauuyut, amillu atuqtauvaktut hunaliuqtakhat aallatut quyaginnaq atuqpgaita. Taapkua EU-kut una pigamiuk akiraqtuqhugu nattinik pivaktavut kangiqhitjutikhanik tunihigaluaqhuta taapkununga mamianaqtuq,” uqaqtuq Minista Shewchuk.

European Union-kut niruaqtut Mii 5, 2009mi pilailaqhuutikhamik nattirnut. Pilailaqhuut ilaupkaihimannngittuq Inuit angunahuaraangata, kihimi pihimayunaitait Inuit nunagiya. Tatja pilailaqhuutim ilaupkaihimanngitait pipkarniaqtait Inuit niuvrutigilugit nattit pitquhituqatuq, ilihautikhanut quviahuitigiyauvaktunull; Niuvrutiginahuaqtauyut Europemiutanut piyaulimaqtut.

Amigaittut Inuit anguniaqtit amiakkuit atuliqpagait nattit maniliurutuginahuaqhugit havaaqhakkuttini nunani ungahiktuni akikhaitigut ilagiplugin akituyunut niqinut uhiyahimayut ungahiktunit tatpaannga.

“Ihuittumik ukpiriyauliqpaktuqaqtuunniqtuq Europemi ilaupkaihimannnginniq akturutiunaittuq Inungnut. Una taimainngittuq,” uqaqtuq Minista Shewchuk. “Takuhimayavut hapkua ilaupkaiyaunnginnit nakuunngittut 1980-ni talvuuna pilailaqhuutainnit European-kut nattianik. Inuit ilaupqtauhimanngittut talvuuna pilailaqhuutimut kihimi nunavut ayuqhaqpaktut. Taimaa, Inuit atuqtauliriarmiut hivumuktirahuarnirmmut piyamingnik ihuittumik kangiqhipkaiplutik katimayunit akiraqtuqtunik nattiqhiuqtunik qanuq quyaginnaq.”

EU-kut pilailaqhuut una piyat uqautjauvakkaluaqhutik kavamainnit Kanatap, Nunavunmit, Newfoundlandmit Labradorillu aallanillu aktuqtauniaqtunit.

Kihimi, uplumi ihumaliuqhimagaluaqhutik taimaa EU-kut, nattikkut piyauvaktut nutqarunaittuq. Kavamatuqani Minista Hilaryuami Niuviqtuliqinirmut, Stockwell Day, pitquhimaliqtaa Kanata ihuigiplugu uqaquplugin pilailaqhuunmut, World Trade Organization-kunnut. Tukhiut taamna uqahimaniaqtuq EU-kut ihuittumik piliqtut niuvrutiliqinikkut pivaktamingnik, uqaqhimayuq taimaa hamna Nunavut ikayuqaat.

“Kavamatuqatkut ikayuqpaktut tatqiqhiutini kingullirni, quviahuktungalu Minista Day pinahualirmat qanuriliurutukhamik uvuuna,” uqaqtuq Minista Shewchuck.

-30-

Tuhaqtakhaliqinikkut Hivayaqtakhaq:

Craig Welsh

Tuhaqtakhaliqinirmut Atan’nguyaq

Avatiliqiyitkut

(867) 975-7721

八卦城新闻稿可用伊努克提图语、英语和法语在 www.gov.nu.ca 获得。

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviiitullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.